

LITHUANIA.

144.

Kiovia, Premislia & Leopoli. Est autem Vilna copiosa, ampla & celeberrimi nominis, muro cincta & portis, quæ nunquam clauduntur. Templâ pleraque sunt lapidea, quædam etiam lignea, Elegans est Bernardinorum Conventus, secto ex lapide, venusta structura clarum. Quemadmodum & Ruthenorum aula, in qua ipsi merces suas ex Moschovia allatas distrahunt. Secundus Palatinatus est *Trocensis*, cujus Opida sunt *Grodna* ad Cronium flu. ubi Stephanus Rex Poloniæ obiit. *Lavuna* ad Croni & Viliæ confluentes, *Kovvno, Lida & Upita.* Tertius Palatinatus est *Minscensis*, ibi *Minsko* civitas & arx *Keidanovv, Radoskovv, Borissovv, Lohoisiko, Svvislocz, Broisiko & Odruczko.* Quartus Palatinatus est *Novogrodenensis*, in quo *Novogrodeck* Civitas ampla & lignea, *Slonim, Volkovisko, Msczibovv* & alia Opida complura. Quintus Palatinatus est *Brestiensis* a Brestia Civitate ampla & lignea sic denominatus, & in hoc Civitas *Pinsko.* Sextus Palatinatus est *Volhinia*, in qua *Luczko*, Episcopi sedes, *Volodomiria, Krzemenesia.* Septimus Palatinatus est *Kiovia*, quæ urbs quondam amplissima & vetustissima, ut ruinæ quæ ad sex milliaria se extendunt, facile indicant, fuit ad Borysthenen sita. Ibi sunt *Circass, Kamovv & Moser* Opida. Octavus Palatinatus *Miecislaviensis* ad Sosam & Borysthenen in finibus Moschoviæ, ibi *Miecislavia, Dambrovvna, Copsz, Sklovv* Comitatus, *Mobilovv, Bychovv, Reczyca, Strissin* Opida cum arcibus sita sunt. Nonus Palatinatus est *Vitebsciensis* in quo *Vitebsk* Civitas ad Dunam fluvium sita, & *Orsha* ad Borysthenem. Decimus Palatinatus est *Polocensis*, qui a *Poloczko*, ad Polotæ, & Dunæ confluentes inter Vitebscam & Livoniam interjecta nomen sortitur: ibi *Dishna, Drissa & Druba* Opida cum arcibus visuntur. Hisce expostis demus Lithuanix suos amnes. Lithuaniam a parte Orientali terminant *Oscol, Ingra*, minor *Tanais*, hi & plurimi alii in Tanaim defluunt, Est & in dominio Lithuanorum Borysthenes qui ex terra plana & palustri ortus, per Russiam delatus in Pontem Euxinum tandem exit. Sunt & *Vilia, & Niemē*, hic valde flexuose decurrunt: navæque deferens & merces: tandē in mare Prutenicum suas aquas exonerat. *Dvina*, & alii, quibus ut & Lacus & Stagnis irrigua est. Omnes autem isti Fluvii & Lacus maximam Piscium copiam subministrant, suntq; Pisces optimi ac gratissimi saporis. Est præterea Regio silvis operta, quæ admodum magnæ sunt, decem, aliquando quindecim milliarium. Provinciarum autem Lithuanix Palatinos & Castellanos Sigismundus Augustus Poloniæ Rex in comitiis Lublinensibus in unum Reipublicæ corpus, cum Polonis univit, & certum singulis Proceribus, Episcopis, Palatinis & Castellanis Lithuanis locum ac ordinem in Senatu regni attribuit, ita ut ex universo Regno Poloniæ omnibusq; Provinciis illi conjunctis, sint in Senatu Episcopi quindecim, Palatini triginta unus, Castellani majores triginta, minores quinquaginta, & qui officiales regni nominantur. Marchalci regni & curiæ Cancellarii ac vice-Cancellarii ac Thesaurarii 2, de quibus in Polonia latius. Solvuntur apud Lithuanos facile matrimonia mutuo consensu, & iterum atque iterum nubunt, & inter se matronæ palam concubinos habent maritorum permissu, quos connubii vocant adiutores: contra pellicatus viris probro datur. Cum quis forte capite damnatus fuerit, de seipso jubente Domino supplicium sumere, suisque manibus se suspendere cogitur, quod si recusaverit, tantisper minis & verberibus exagitur, donec mortem sibi inferat. Armenta victum præbent, multo

Flumina.

Silva.

Senatores.

Mores.

Vitus.